

dem nominis in australi littore lares habet. Balmerino, illustris & antiquæ Elphinstoniae domus propago, ad Tai fluminis æstuarium: & in hujus vicinia Londoris, qui è Rothesia familia genus habet. Fermelino-duni comitis titulos à patre, non ita pridem regni Cancellario, habet illustris & nobilis juvenis Setoniorum cognominis & familiae. Sinclairius Baro arcem Ravenshetuch ab antiquo possidet, cujus stemma antiquum & nobile: ejus enim majores Zetlandiam & Orcadas comitatus titulo tenuere: Ad hanc familiam hodierni Cathanesia Comites, & quicumque alii Sinclairii cognomen ferunt, originem referunt. Est quoque Levinus Comes Lessæ originis, diversus à Levinia ad Glottæ æstuarium, hunc artibus militiae clarum non ita pridem ad hunc honorem evexit Carolus Rex. Balcarrassius Baro ad orientalem tractum familiae & cognominis Lyndesiorum. Burghlejus Baro ad lacus Levinii ripam, qui Balfuriorum familiam ducta hærede restituit. Et si qui alii sint, ignoscant ignorantia meæ, qui in hac Regione cognoscenda semiperegrinus, neque debitam ab omnibus opem in his lucubrandis sentio.

In limite hujus Provinciae, ad viam publicam, qua in Ierniam transitur, non procul Abrenethia pago, moles lapidea est antiqui operis, *Clan-mac-Duff's-croffe* vocant, id est, crux familiae Mac-duff, cujus hæc memorantur jura: quicumque magnum illum Mac-Duffum, hujus Provinciae olim potentissimum comitem, (cujus potissimum opera everfa erat Mac-Bethi tyrannis) intra nonum gradum sanguine attingebat, homicidii reus ad hanc aram supplex fugiens, producto & dato definito, eoque satis levi boum numero, crimine solvebatur: extabat vetus inscriptio, nunc erasa tempore, versibus semilatinis, quam nisi pigeret & longiuscula esset integram proferre possem, sed nullo usui, cum eam à nemine mortalium intelligi posse arbitrer, neque barbara illa Latinis admitta ullum hodiernum sermonem sapiant, jam ante sexcentos annos posita.

Fons salubris.

Ad Kingorniam oppidum non ita pridem ad littus in scopulo fons aquæ limpidissimæ reperi- tus est, oculis salutaris habitus, aliaque insalubrium viscerum vitia levare creditus, & non pauci ejus usu se opem sensisse fatebantur, aut jactitabant, at nescio quomodo hodie eviuit.

K E T H Æ I N S V L Æ D E S C R I P T I O.

Situs.

Ketha insula in æstuario Forthæ, (qui veteribus Bodotria dictus est) medio fere cursu inter Fifam & Lothianam à Zephyro-borea in Euro-notum protenditur in longitudinem ad 1500 passus, in latitudinem extenditur qua Boream spectat ad 500, qua

Notum respicit non amplius 200. Solo pingui & graminis apprime fertili, sed incuria possessorum adhuc inculto, plerumque in plana explicatur, herbas feliciter gignit, quarum præcipuæ sunt tota Bona, oxalis, Scabiosa, Serpillum, Papaver Spumeum, Alime, utraque plantago, Caryophyllus marinus, Cochlearia, hederæ terrestres, Dens Leonis, Sedum minimum, Cornu cervi, Bellis, Geranium minimum, Bardana, Senecio, Aparine, Lapathum, Quercula, Echium, Marubium, Hyoscyamus, Carduus Mariæ. Aquæ limpidissimæ quatuor habet scaturigines, & totidem portus, quatuor ventis cardinalibus obiectos. Insula media in cacumen fastigiatur, quod opere tridecagono Franciscus & Maria, Francorum & Scotorum Reges, firmissime communierunt muris, ex lapide fere quadrato, ad sex ulnarum & dimidii altitudinem assurgentibus, latitudine pene dimidia: Areæ diameter est pedum fere centenorum. In ambitu murorum tria sunt insigniora propugnacula: in quorum basibus bombardæ majores ita commode locari possunt, ut obsidentes ab accessu propiore arceantur. Puteum habet aquæ vivæ intra passum vigesimum à murorum radice, aquatione non difficili. Interius terra murorum altitudinem adæquat: ipsius Reginae Mariæ insignia marmoris insculpta in muris adhuc visuntur, hoc subscripto anagrammate: *Sa vertu m' attire*. Murorum qui boream spectant pars, aut temporis injuria corruit, aut consulto diruta est: idem farum invasit & ipsa ædificia in area munimentum olim exstructa. Inter silices est fodina lapidum quidem nigricantium & sulphuris odorem, dum cæduntur expirantium, in ædificiorum autem structuris apprime commendatorum. In insulæ circuitu hibernis mensibus copiosissima est ostreorum captura: æstate variorum generum pisces, formicarum instar, densis agminibus circumnatant, ubere piscatorum quæstu.

Nomen insulæ dedit nobilis Kethorum familia, cujus authorem à Malcolmò 11 Scotorum Rege ad annum Christi 1010, & hanc & Baroniam Ketham Marescallanam in Lothiana, cum hæreditariâ dignitate Marescallorum Scotiæ, virtutis & operæ contra Danos in prælio ad Bariam in Angusia fortiter navatæ præmium, accepisse tradunt annalium nostrorum scriptores. Ab ejus posteris ad Leontas Glammiæ Regulos ejus Dominium translatum est, cujus familiae Princeps Ioannes Leon Kingorniam Baroniam in littore Fifano Kethæ oppositam, à Roberto II Scotorum Rege, dotalem accepit cum ejusdem regis filia. ab ejus hæredibus eadem Insula, anno 1649 alienata est Ioanni Scoto, Scoto-tarbatæ Baroni, Cancellariæ Regni Scotiæ directori, & in Suprema Curia Senatori, cujus auspiciis munimentum